



LIBRI SECUNDI AL-
CHEMIÆ

TRACTATUS TERTIVS
DE SPECIEBUS CHYMICIS COM-
POSITIS.

CAPVT I.
De Elixyre.

DICTVM de speciebus simplicibus est, quæ vno processu fi-
niri fiunt, siue res vna fuerit, siue plures, qualia fuerunt ma-
gisteria & extracta. Sequitur de speciebus Chymicis post elab-
orationem compositis.

Species composita est, quæ ex simplicibus sigillatim vno
processu elaboratis componitur. Id quod variè fieri potest.

*Sicut in pharmacopœia primùm quodlibet medicamentum per se prepara-
tur ut sit simplex, licet id natura composuerit: postea ex multis preparatis simplici-
bus fiunt compositiones, ut electuaria, pulueres, syrups, unguenta, &c. & hac vicif-
sim commisceri inter se possunt, ut ex pluribus electuariis fiat vna medicina: ita in
Chymia euenire solet. Per se enim preparantur simplicia, seu sola, seu cum aliis, ut
tamen fiat vna essentia vno processu homogenea. Simples eiusmodi inter se
componuntur magna varietate, eaq; infinita: ut modò magisteria magisteriis, mo-
dò magisteria extractis: & singulorum diuersæ species iterum, quin & simplices
compositis iungantur: & in usu non rarò integra copulantur magisteriis & extra-
ctis compositisq; speciebus, prout Medico videtur consultum. De compositione ita-
que istiusmodi specierum nunc præcepta sequuntur.*

Compositio variis coadunationum modis fieri potest quidem: hîc ta-
men maximè valet imbibitio seu nutritio (quæ inceratio quædam) incorpora-
tio, confusio, & his famulatur nonnunquam tritio, solutio, sublimatio, de-
stillatio, &c.

Species composita est duplex: Elixyr, & Clissus.

Elixyr est species ex pluribus diuersi generis simplicium speciebus
composita. Itaque cum oleum terebinthi componitur cum floribus sul-
phuris, & oleo myrrhæ: quando quintæ vini essentiæ misceretur tinctura

h h h 2

croci